

REGLUGERÐ FRAMKVÆMDASTJÓRNARINNAR (EB) nr. 551/2009

2010/EES/56/24

frá 25. júní 2009

um breytingu á V. og VI. viðauka við reglugerð Evrópuþingsins og ráðsins (EB) nr. 648/2004 um þvotta- og hreinsiefni (undanþága að því er varðar yfirborðsvirk efni) (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 648/2004 frá 31. mars 2004 um þvotta- og hreinsiefni ⁽¹⁾, einkum 1. mgr. 13. gr.,

og að teknu tilliti til eftirfarandi:

- 1) Með reglugerð (EB) nr. 648/2004 er tryggt frjáls dreifing á þvotta- og hreinsiefnum og yfirborðsvirkum efnum fyrir þvotta- og hreinsiefni á innri markaðnum en um leið er m.a. tryggt öflug umhverfisvernd með því að mæla fyrir um kröfur varðandi fullnaðarlífbrjótanleika yfirborðsvirkra efna sem notuð eru í þvotta- og hreinsiefni.
- 2) Auk þess er í 5., 6. og 9. gr. reglugerðarinnar kveðið á um aðferð sem tryggir að yfirborðsvirk efni, sem samræmast ekki fyrrnefndum kröfum um fullnaðarlífbrjótanleika, geti eigi að síður hlotið undanþágu til tiltekinnar notkunar í iðnaði eða á stofnunum, að því tilskildu að sú notkun feli í sér litla útbreiðslu og að áhætta, sem hún hefur í för með sér fyrir umhverfið, sé óveruleg í samanburði við félagslegan og hagrænan ávinning.
- 3) Í reglugerðinni er mælt fyrir um að meta eigi áhættuna fyrir umhverfið með viðbótaráhættumati, sem lýst er í IV. viðauka, sem framleiðandi yfirborðsvirka efnisins gerir og sem ber að leggja fram til mats hjá lögbæru yfirvaldi í aðildarríki.
- 4) Þau yfirborðsvirku efni, sem undanþegin eru, skulu tilgreind í V. viðauka við reglugerðina. Þau efni, sem ekki eru undanþegin, skulu tilgreind í IV. viðauka við þá reglugerð.
- 5) Undanþágur skulu samþykktar í samræmi við ákvörðun ráðsins 1999/468/EB frá 28. júní 1999 um reglur um meðferð framkvæmdavalds sem framkvæmdastjórninni er falið ⁽²⁾.
- 6) Beiðni um undanþágu var lögð fram vegna yfirborðsvirka efnisins sem ber IUPAC ⁽³⁾-heitið „Guerbet-alkóhól, C₁₆₋₂₀, etoxýlötud, n-bútýl-eter (7-

8EO)“, einnig þekkt undir viðskiptaheitinu „Dehypon G 2084“, með CAS ⁽⁴⁾-númerið 147993-59-7, til þríþættrar notkunar í iðnaði, þ.e. til flöskuþvotts, hreinsunar á staðnum og hreinsunar á málum.

- 7) Lögbært yfirvald í Þýskalandi lagði mat á undanþágubeiðnina í samræmi við þá málsmeðferð sem lýst er í 5. grein reglugerðarinnar. Staðfest hefur verið að beiðnin uppfyllir þau þrjú skilyrði sem krafist er skv. 6. gr. Í fyrsta lagi hefur þessi tilgreinda, þríþætta notkun litla útbreiðslu í för með sér. Í öðru lagi er um að ræða sértæka notkun í iðnaði. Í þriðja lagi er engin áhætta gagnvart umhverfinu, þar eð yfirborðsvirka efninu fylgir engin áhætta og umbrotsefnin eru ekki þrávirk.
- 8) Þessi þríþætta notkun var talin vera notkun í iðnaði sem hafði litla útbreiðslu í för með sér, að teknu tilliti til heildarársnotkunar á yfirborðsvirka efninu og að teknu tilliti til þess að yfirborðsvirka efnið er aðeins notað í tilteknum tegundum iðjuvera.
- 9) Sú niðurstaða að engin áhætta sé fyrir hendi fyrir umhverfið byggist á því að mikill frumlífbrjótanleiki yfirborðsvirka efnisins næst hratt og á fullnaðarlífbrjótanleika umbrotsefna yfirborðsvirka efnisins. Umbrotsefnin uppfylla því sömu viðmiðanir og þau yfirborðsvirku efni sem reglugerðin tryggir að séu í frjálsri dreifingu.
- 10) Nefnd um aðlögun löggjafar að tækniframförum til þess að ryðja úr vegi tæknilegum hindrunum í viðskiptum með þvotta- og hreinsiefni hefur eigi að síður ákveðið að takmarka undanþáguna við tíu ára tímabil til þess að hvetja til þess að þróuð verði yfirborðsvirk efni af sambærilegum gæðum sem uppfylli viðmiðanir um fullnaðarlífbrjótanleika og því þurfi ekki undanþágu vegna þeirra.
- 11) Áður var efnun í Bandalaginu úthlutað ýmist EINECS-númeri eða ELINCS-númeri. Þó hafa um 700 efni, sem áður var litið á sem fjöllíður, nú verið viðurkennd sem efni, sem ekki eru fjöllíður og þeim hefur verið úthlutað NLP-númerum (NLP: flokkast ekki lengur sem fjöllíður). Nú er vísað til EINECS-, ELINCS- og NLP-númera sameiginlega sem „EB-númera“ og rétt er að breyta samsvarandi fyrirsögnum í töflum í V. og VI. viðauka til þess að endurspegla nýja flokkunarkerfið.

(*) Þessi EB-gerð birtist í Stjtið. ESB L 164, 26.6.2009, bls. 3. Hentar var getið í ákvörðun sameiginlegu EES-nefndarinnar nr. 66/2010 frá 11. júní 2010 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbætur við Stjórnartíðindi Evrópusambandsins nr. 49, 16.9.2010, bls. 16.

⁽¹⁾ Stjtið. ESB L 104, 8.4.2004, bls. 1.

⁽²⁾ Stjtið. EB L 184, 17.7.1999, bls. 23.

⁽³⁾ Alþjóðasamtök um hreina og hagnýta efnafræði (International Union of Pure and Applied Chemistry, IUPAC).

⁽⁴⁾ Upplýsingaþjónusta um iðefni (Chemicals Abstracts Service, CAS).

- | | |
|--|---|
| 12) Því ber að breyta V. og VI. viðauka við reglugerð (EB) nr. 648/2004 til samræmis við þetta. | 1. Í stað V. viðauka komi textinn í I. viðauka við þessa reglugerð. |
| 13) Ráðstafanirnar, sem kveðið er á um í þessari reglugerð, eru í samræmi við álit nefndarinnar um þvotta- og hreinsiefni. | 2. Í stað VI. viðauka komi II. viðauki við þessa reglugerð. |

SAMÞYKKT REGLUGERÐ ÞESSA:

2. gr.

I. gr.

Reglugerð (EB) nr. 648/2004 er breytt sem hér segir:

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júní 2009.

Fyrir hönd framkvæmdastjórnarinnar,

Günter VERHEUGEN

varaforseti.

I. VIÐAUKI

„V. VIÐAUKI

SKRÁ YFIR YFIRBORÐSVIRK EFSNI SEM UNÐANÞÁGA HEFUR VERIÐ VEITT FYRIR

Með undanþágu, sem veitt er í samræmi við 4.–6. gr., og í samræmi við málsmeðferðina, sem mælt er fyrir um í 2. mgr. 12. gr., má setja eftirfarandi eftirfarandi, yfirborðsvirk efni, sem standast prófanirnar, sem um getur í II. viðauka, en ekki þær sem um getur í III. viðauka, á markað og nota þær með fyrirvara um takmarkanirnar sem tilgreindar eru hér á eftir.

Heiti samkvæmt IUPAC-nafnakerfinu	EB-númer	CAS-númer	Takmarkanir
Guerbet-alkóhól, C ₁₆₋₂₀ , etoxýlötud, n-bútýl eter (7–8EO)	Ekkert (fjölíða)	147993-59-7	Má nota til eftirfarandi notkunar í iðnaði til 27. júní 2019: — flöskuvotts — hreinsunar á staðnum, — hreinsunar á málmum.

„EB-númerið“ merkir EINECS-, ELINCS- eða NLP-númerið og er opinbert númer efnisins innan Evrópusambandsins.

„EINECS“ er stytting á European Inventory of Existing Commercial Chemical Substances, Evrópuskrá yfir iðefni á markaði. Í henni er endanleg skrá yfir öll efni sem talið er að hafi verið á markaði Bandalagsins 18. september 1981. EINECS-númerið má finna í Evrópuskránni yfir iðefni á markaði (EINECS) ⁽¹⁾.

„ELINCS“ stendur fyrir European List of Notified Chemical Substances, Evrópuskrá yfir tilkynnt efni. ELINCS-númerið má finna í Evrópuskránni yfir tilkynnt efni, með áorðnum breytingum ⁽²⁾.

„NLP“ merkir efni sem flokkast ekki lengur sem fjölíður. Hugtakið fjölíða er skilgreint í 3. mgr. 5. gr. reglugerðar Evrópuþingsins og ráðsins (EB) nr. 1907/2006 ⁽³⁾. NLP-númerið má finna í skránni yfir efni sem flokkast ekki lengur sem fjölíður („No-Longer Polymers“), með áorðnum breytingum ⁽⁴⁾.

⁽¹⁾ Stjtið. EB C 146 A, 15.6.1990, bls. 1.

⁽²⁾ Skrifstofa opinberrar útgáfustarfsemi Evrópubandalaganna, 2006, ISSN 1018-5593 EUR 22543 EN.

⁽³⁾ Stjtið. ESB L 396, 30.12.2006, bls. 1, með leiðréttingum samkvæmt Stjtið. ESB L 136, 29.5.2007, bls. 3.

⁽⁴⁾ Skrifstofa opinberrar útgáfustarfsemi Evrópubandalaganna, 2007, ISSN 1018-5593 EUR 20853 EN/3.“

*II. VIÐAUKI**„VI. VIÐAUKI***SKRÁ YFIR YFIRBORÐSVIRK ÞVOTTA- OG HREINSIEFNI SEM ERU BÖNNUD EÐA HÁÐ TAKMÖRKUNUM**

Staðfest hefur verið að eftirfarandi, yfirborðsvirk efni í þvotta- og hreinsiefnum samrýmast ekki ákvæðum þessarar reglugerðar:

Heiti samkvæmt IUPAC-nafnakerfinu	EB-númer	CAS-númer	Takmarkanir

„EB-númerið“ merkir EINECS-, ELINCS- eða NLP-númerið og er opinbert númer efnisins innan Evrópusambandsins.“